

GrønlandsBANKimi suliffeqarfinnik aqutsineq

”Suliffeqarfimmik pitsaasumik aqutsineq” GrønlandsBANKip anguniakkaminik suliaqarnerani pissusissamisoortumik pingaarutilimmillu ilaavoq. Suliffeqarfimmik pitsaasumik aqutsineq uagut aningaaseriviup attuumassuteqarfigisaminik tamanik suleqateqarnerminik pitsanngorsaajuarnnerani pissusissamisoortumik ilaasussatut isigaarput.

GrønlandsBANKi Nasdaq OMX Copenhagen A/S-imi SmallCap selskab-itut nalunaarsorneqarsimavoq. Tamatuma kingunerisa ilagaat, aningaaserivik suliffeqarfimmik pitsaasumik aqutsinermi inassutigineqartut tunngavigalugit Komité-mut attuumassuteqartussaamat. Kodeks tassuunakkut pilersinneqartoq suliffeqarfinnut aningaasanik niuerfitsigut nioqqutigineqartunut ilitsersuutitut atorineqartussaavoq, erseqqinnerusumillu nassuiaateqarsimatigani sanioqqunneqarsinnaanani.

Tamatuma saniatigut aningaaseriviit Finansrådip »Suliffeqarfimmik pitsaasumik aqutsineq illullu avataani kukkunerisusoqarneq« pillugit tunngavissiai tunaartarisussaavaat.

Suliffeqarfimmik pitsaasumik aqutsineq pillugu Komité-p inassutai (kingullermik august 2011-mi iluarsineqartut) immikkoortumut pingaarnernut 9-nut immikkoortulersugaapput:

- I. Piginneqataasut qanoq inissisimanerat suliffeqarfiullu aqutsisuinik suleqateqarnerat.
- II. Attuumassuteqarfigisat qanoq inissisimanerat aammalu suliffeqarfimmut sunniutaat inuaqatigiinnullu akisussaaffii.
- III. Ammasuuneq tikikkuminassuserlu.
- IV. Siulersuisut suliassaak akisussaaffiilu.
- V. Siulersuisut katitigaanerak aaqqissuussaanerallu.
- VI. Siulersuisuni qullersaqarfimmilu ilaasortat akissarsiaat.
- VII. Naatsorsuutinik saqqummiussineq.
- VIII. Navialiffiusinnaasunik aqutsineq illullu iluani nakkutilliineq.
- IX. Kukkunerisuiineq

Immikkoortuni kinguliini GrønlandsBANKip inassutigineqartunut isummernini »malikkik imaluunniit nassuiaagit« tunngavigalugit nassuiaatigissavai.

I. Piginneqataasut inissisimanerat aqutsisunillu suleqateqarnerat

GrønlandsBANKip inassutigineqartut ilaatigut malippai.

GrønlandsBANKip aningaaserivik pillugu sapinngisamik ammasumik ingerlatsisoqarnissaa anguniarpaa attuumassuteqarfigisaminullu tamanut attaveqarneq annertusarniartuarlugu ilaatigut aningaaseriviup nittartagaatigut www.banken.gl-ikkut paasissutissanik naleqquttunik piffissamullu pineqartumut naleqquttunik pilersuiuarnikkut. Quppernermilu tassani aamma qaammatit pingasukkuutaartumik nalunaarusiat aammalu audiocasts downloadereqarsinnaasarpud.

Ataatsimeersuarneq aningaaserivimmi oqartussaasut qullersaraat. Aningaaseriviup ataatsimeersuariartoqqusilluni piffissaliisarnera (sivikinnerpaamik ulluni 14-ni sivilunerpaamik sapaatit akunnerini sisamani) iluaqutaalluni piginneqataasut ataatsimeersuarnermi oqaluuserineqartussat pillugit isummernissaminut periarfissaqartarput. Ataatsimeersuariartoqqusineq aningaaseriviup malittarisassai malillugit Erhvervs- og Selskabsstyrelsen edb-kut paasissutissiisarfia avisiillu aalajangersimasut aqutugalugit tamanut saqqummiunneqartarpoq. Ataatsimeersuarnerup elektroniskiusumik ingerlanneqartarnissaa siulersuisut pisariaqanngitsutut piviusunngortinneqarsinnaassanngitsutullu naliliiffigisimavaat. Siulersuisuni ilaasortat tamarmik GrønlandsBANKip 2011-mi ataatsimeersuarnerani peqataasimappud.

Ataatsimeersuarnermut aalajangersimasumut pinnaatitsissutinik tunniussisoqarsinnaavoq ullormut oqaluuserisassamut siumut ilisimariikkamut ataatsimut , ullormulli oqaluuserisassanut tamanut

taamaaliortoqarsinnaanani. Pisinnaatitsissutip ullormut oqaluuserisassani immikkoortut ataasiakkaat tamaasa isummerfiginngikkaluarlugit ilusilersorneqartarnissaa siunertamut naleqqunnerusutut isigineqarsimavoq. Taamatut aaqqiisoqarsimavoq ataatsimeersuarnerup pitsaasumik ingerlanneqartarnissaa eqqarsaatigalugu tassami piginneqataasut ataasiakkaat taakkuluunniit pisinnaatitaaffiligaat » immikkoortoq ataaseq aalajangersimasoq pillugu isumaqataasimanngikkunik « namminneerlutik ataatsimeersuartunut apeqquteqarsinnaajuaannarmata Kalaallit Nunaannilu inatsisini aktieselskabimut tunngasuni malittarisassat tunngavigalugit taasisoqarnissaanik piumasaqarsinnaallutik.

Aningaaserivimmi piginneqataasut tamarmik naligiipput. Malittarisassat malillugit piginneqataasut tamarmik tunngavissat erseqqissut tunngavigalugit ataatsimeersuarnermi siunnersuuteqarsinnaapput, peqataasinnaapput, oqaaseqarsinnaapput taasisinnaallutillu.

Ataatsimeersuarnermi oqaluuserineqartussat tamarmik taasinermi amerlanerussuteqarnikkut aalajangiiffigineqartarput, inatsisitigut aningaaseriviulluunniit malittarisassaasigut allatut aalajangiisoqarsimatinnagu. Aningaaseriviup malittarisassaanut, inatsisini malittarisassat tunngavigalugit siulersuisut aalajangiiffigisassarinningsaannut, imaluunniit malittarisassat taakku malillugit sakkortunerusunik piumasaaqataitaqanngitsunut allannguutissanik akuersissutisaqartillugu, piumasarineqartarpoq, siunnersuut taasinerit tunniunneqarsimasut ikinnerpaamik pingajorarterutaannit marlunnit tassalu piginneqataasut ataatsimeersuarnermi sinniisigisaasa amerlanersaannit akuersissutigineqarsimassasoq

Aningaaserivik pisiariumallugu neqeroorummik tunniussisoqarsimassappat, tamanna aqutsisut piginneqataasunut saqqummiutissavaat.

GrønlandsBANKi, commiterede kreditfacilititer eqqaassanngikkaanni, aningaaserivimmut oqartussaaneq pisiarinnikkumalluni neqeroorutip atuussussanngortinneratigut sunniuteqalersussanik, allanngortussanik imaluunniit atorunnaartussamik pingaarutilimmik isumaqatigiissuteqarsimangilaq.

II. Attuumassuteqarfigisat suliffeqarfimmut sunniutaat pingaarutaallu inuiaqatigiinnullu akisussaaffii

GrønlandsBANKip inassutigineqartut malippai.

Siulersuisut ukiut tamaasa ingerlatseriaasissamut pilersaarut akuerissutigisarpaat, aningaaseriviup attuumassuteqarfigisaanut pingaarnernut ileqqussat ilanngullugit. Taamaattumillu ingerlatseriaasissamut pilersaarutit aamma tassaasarpud aningaaseriviup attuumassuteqarfigisanut ileqqussaanut malittarisassat allassimasut.

GrønlandsBANKip sullitanut inuiaqatigiinnullu pitsaasumik ataavartumillu attuumassuteqartuarnissani kissaatigaa. Sullitat, sullitanngorsinnaasut, piginneqataasut, politikikkut aalajangiisartut tusagassiorfiillu aningaaseriviup ineriartornera pillugu ataavartumik ilisimatinneqartarnissaat anguniarneqarpoq. Aningaaseriviup nittartagaa internettiimittoq, TV-kut takutittakkat, pilersaarutit naqitigaararpassuillu assigiinngitsut aqqutigalugit sullitat innuttaasullu aningaaseriviup ingerlatai pillugit paasisstissarsinissaminnut periarfissinneqartarput. Aningaaseriviup intranet-ia aqqutigalugu sulisut aningaaseriviup anguniagai suliaalu pillugit pitsaasumik ilisimatinneqartuarterput.

GrønlandsBANKip inuiaqatigiinni pingaarutilimmik inissisimanera pissutaalluni aningaaserivimmi peqqissumik ingerlatsinissaq aningaaseriviup inuiaqatigiinni suliassaasa pingaarnersaraat. Tunngaviatigut imaappoq, aningaaserivik sulinini aqqutigalugu inuiaqatigiinni peqataaffigisamini aalajaannermik ineriartornermillu pilersitseqataassaaq.

Niuernikkut anguniarneqarpoq aningaaseriviup tusaamaneqarneranik pitsanngorsaaniisaq, sullitat naammagisimaarinninnerannik aalajaannerannillu qaffassaniisaq kiisalu sulisut naammagisimaarinninnerannik annertusaaniisaq. Tamakku tamaasa aqutugalugit inuiaqatigiit aningaasaqarnerat pitsaasumik ineriartortinneqassaaq siunissarlu ungasinnerusoq isigalugu aningaasatigut pissarsisarnissaq qularnaarneqassalluni.

Aningaaseriviup CSR-strategi-a politikialu siulersuisut ukiut tamaasa akuersissutigisarpaat. GrønlandsBANKip CSR politikia ukiumoortumik nalunaarusiaa aqutsisut nalunaarutaanni erseqqinnerusumik allaaserineqarsimavoq. CSR-ip nassuiaatiginera aningaaseriviup nittartagaani www.banken.gl-imi takuneqarsinnaavoq.

III. Ammasuuneq tikikkuminassuserlu

GrønlandsBANK-ip inassutigineqartut malippai.

Ukiumoortumik piffissallu ilaanut nalunaarusiat, nalunaarusiallu aningaasanik niuerfitsigut nioqutiginerermut tunngasut allat, erngerlugit nittartakkakut saqqummiunneqartarput qallunaatut tuluttullu.. Taakkulu saniatigut aamma ukiumoortumik nalunaarusiaq, aningaaserivimmullu tunngassutillit ilarpassui aamma kalaallisut tassunga ilanngunneqarsimapput. GrønlandsBANKip oqaatsit pillugit politikia Kalaallit Nunaanni inatsisitigut piumasarineqartunut naapertuuppoq, aningaaseriviullu attaveqatigiinnermut ingerlatseriaasiani erseqqinnerusumik allaaserineqarsimalluni. Avammut attaveqarneq qullersaqarfimmit imaluunniit taanna isumasioqatigalugu ingerlanneqartarpoq, takuuk attaveqatigiinnermik ingerlatseriaaseq siulersuisut akuersissutigisimasaat. Nassuiaat Corporate Governance aamma aningaaseriviup nittartagaani link-imi www.banken.gl-imi »om os, investor, god selskabsledelse«-miittoq takuneqarsinnaavoq.

Siulersuisut isumaqarput, GrønlandsBANKip pissutsit aningaaseriviup soqutigisaanut tunngasut naapertuuttumik annertussusilimmik nassuiaatigisarai, massakkuugallartorlu annerusumik nalunaarusiortarnissaq pisariaqanngikkallartoq.

IV. Siulersuisut suliaat akisussaaffiilu

GrønlandsBANKip inassutigineqartut malippai.

GrønlandsBANKi Kalaallit Nunaanni Danmarkimilu inatsisit malillugit, ilaatigullu aningaaseriveqarneq pillugu inatsit immikkut ittoq malillugu, aqunneqarpoq.

Siulersuisut aningaaseriviup aqutsisuisa qullersaraat, taakkulu ingerlatseriaasissat tunngavissatullu akuersissutigisarpaat. Siulersuisut siulittaasuata siulersuisut suliassaminnik pitsaanerpaamik naammassinninnissaat siunnerfigalugu ataatsimiinnissat aaqqissuullugillu ataatsimiinnerit aquttarpai. Taakku saniatigut aningaaseriviup niuernikkut navialiffiginnaasaasa illersorneqarsinnaasumik aqunneqarnissaat siulersuisut qularnaagassaraat, aningaaseriviup navialiffiginnaasai tamarmiusut aalajangersimassunik sinaakkusersortussaallugit illuatungiliisumillu iliusissamut tunngavissortussaallutik taakkulu eqqortinneqarnissaat nakkutigisussaallugu. Aningaaseriviup sutigut tamatigut aaqqissuusaanerata tamatigoortuunissaa GrønlandsBANKip anguniagaraa, aqutsinerulli tamatigoortuunissaata qularnaanissaanut iliusissanik pilersaarusiorsimanani. Taamaaliorsimanninnermut Kalaallit Nunaanni sulisussarsiornissamut periarfissat ajornakusoorsinnaasernerat pissutaavoq, GrønlandsBANKi suliffeqarfittut angisuujungimmat, aqutsisoqarfinnilu ineriartortuarnerup qularnaarneqarnissaa aningaaseriviup kissaatigimmagu.

Siulersuisut qullersaqarfik illullu iluani kukkunersuinnermut pisortaq atorfinitsittarpaat. Qullersaqarfiup aningaaseriviup ulluinnarni aqunneqarnera qullersatut oqartussaaffigaa siulersuisunullu akisussaaffeqarlutik.

Siulersuisut ingerlatseriaaseq pillugu malittarisassaminni suliamik qanoq ingerlanneqarnissaat erseqqinnerusumik aalajangersaaffigisimavaat. Ingerlatsinnermut malittarisassat, minnerpaamik ukiumut ataasiarlugit misissoqqinneqarlutillu naliliiffigeqqinneqartartut, inatsisinut Finanstilsynillu peqqussusiaanut naapertuuttumik suliarineqarsimapput tassanilu aamma siulersuisut ingerlatseriaasissaat erseqqinnerusumik malittarisassiorneqarsimapput, siulittaasup siulittaasoqarfiullu suliaasaat ilanngullugit.

Ingerlatseriaatsimi aamma qullersaqarfiup pisinnaatitaaffii aammalu siulersuisut qullersaqarfiullu akornanni suleriaatsit malittarisassiorneqarsimapput, qullersaqarfiup pissutsini aalajangersimasuni arlalinni suliaassanik aalajangersimasunik assigiinngitsunik siulersuisunut saqqummiussisussaataitanera ilanngullugu. Tassani ilaatigut pineqarput peqataanissanik qinnuteqaatit aalajangersimasumik annertussusillit taakkulu saniatigut aamma suliassat nalinginnaanngitsut imaluunniit annertuumik pingaarutillit. Ingerlatseriaatsillu aamma imarai malittarisassat pissutsit pingaarutillit pillugit siulersuisunut ataavartumik nalunaarusiortarnissamut tunngasut. Tassunga ilaapput aningaaseriviup oqimaaqatigiissitsinerata ingerlatsineratalu ineriartorneri pillugit nalunaarusiat kiisalu akiligassat niuernikkullu navialiffiusinnaasunut tunngasut siulersuisut tunngavissatut killissatullu aalajangiussimasaat tunngavigalugit ingerlanneqartussat.

V. Siulersuisut katitigaanerat aaqqissuussaanelu

GrønlandsBANKip inassutigineqartut malippai.

Aningaaserinnermut inatsimmi piumasarineqarpoq aningaaserivimmi aqutsisut piumasaqaatit arlallit naleqqunermut unneqqarinnermullu tunngasut naammassisimassagaat. Siulersuisut anguniagaraat, ilaasortat sukkulluunniit aningaaserinnermut naatsorsuuserinnermullu tunngasunik sapinngisamik tamatigoortumik paasisimasaqarluartuussasut, niurnermut tunngasunik misillitagaqartuussasut Kalaallit Nunaannilu inuiaqatigiinnut tunngasunik paasisimasaqarluartuussasut. Ilaasortat angutaassuseq arnaassuserlu aammalu ukioqqortussuseq eqqarsaatigalugit akuleriaarluarsimasuunissaat siulersuisut eqqarsaatigittuinnarpaat. Aningaaserivik pingaartumik Kalaallit Nunaanni ingerlataqarpoq, taamaattorli siulersuisut nunanut tamanut tunngasunik misillitagaqarnissaat pingaaruteqannginngilaq. Tunngavissat taagorneqartut tunngavigalugit siulersuisuni ilaasortassanik nutaanik pissarsiortoqartarpoq, piumasaqaatinillu aalajangersimasunik tunngaveqarani. Taamaattumik aningaaseriviup nittartagaani siulersuisuni ilaasortanngortussat pisinnaasariaqagaannik aalajangersimasunik saqqummiussisoqarsimanngilaq.

Siulersuisuni ilaasortanngorsinnaasut tunuleqtaat pillugit allaaserisat tunngavigalugit ataatsimeersuartunut aggersaasoqartarpoq.

Siulersuisut pisinnaasaat ukiumut ataasiarluni erseqqinnerusumik allaaseralugit tamanut saqqummiunneqartarput. Tamakku aqutsisut nalunaarusiaanni ukiumoortumik nalunaarusiamiittumi takuneqarsinnaasarpud. Siulersuisuni ilaasortanngortut nutaat siulersuisunut isernerminnut atatillugu aningaaserivik siulersuisullu pillugit paasissutissinneqartarput. Tassunga atatillugu annerusumik ilinniartitsinissamik pisariaqartitsisoqarnersoq naliliiffigineqartarpoq, pisariaqartitsinerlu aamma siulersuisuni naliliiffigineqartuurtarluni.

Siulersuisuni ilaasortat ilaat ataatsimeersuarnermi qinerneqarsimasut massakut tassaappud inuit arfinillit taakkulu amerlassusaat massakkuugallartoq naleqquttutut isigineqarput. Ilaasortat ataatsimeersuarnermi qinigaasimasut ikinnerpaamik affaat arlaannulluunniit pituttorsimanngitsutut isigineqarput. Ilaasortat sorliit pituttorsimanngitsutut isigineqarnerisut ataatsimeersuarnermi ilisimatitsissutigineqartarpoq, siulersuisunilu ilaasortanngortut nutaat sorliit pituttorsimanngitsutut isigineqarnerat aamma ilisimatitsissutigineqartarluni.

Siulersuisuni ilaasortat ataasiakkaat atorfi aammalu siulersuisuni qullersaqarfinnilu allani ilaasortaaffii pillugit paasissutissat ukiumoortumik nalunaarusiamut ilanngunneqartarput.

Aningaaserivimmi sulisut inatsisit malillugit siulersuisuni ilaasortat ataatsimeersuarnermi qinigaasut affaattut amerlassusilinnik sulisut qinersisussanngornerini qinigaasimasunik siulersuisuni sinniseqartarput. Siulersuisuni ilaasortassanik toqqaannartumik qinersinerup saniatigut suliffeqarfiup sulisui aamma sinnisissanik taamatut amerlassusilinnik, piffissami tassani atuuttussanik qinersisarput. Siulersuisuni ilaasortat sulisunit qinigaasut siulersuisuni ilaasortatut ataatsimeersuartut qinigaattuulli pisinnaatitaaffeqarlutillu, pisussaaffeqarlutillu akisussaaffeqartarput. Sulisut ukiut sisamakkaarlugit qinersisarput, tullianillu 2015-mi qinersisussaallutik.

Siulersuisut ukiumut ataatsimiiffissanik aalajangersaasoqarnera tunngavigalugu minnerpaamik ukiumut arfinileriarlutik ataatsimiittarput. Siulersuisut 2011-mi katillugit arfineq pingasoriarlutik ataatsimiissimapput ataatsimeersuarnerup kingorna siulersuisunik atuutilersitsilluni ataatsimiinneq ilanngullugu. Siulersuisuni ilaasortat ukiuisa killissaat 70-inut aalajangiunneqarsimavoq. Siulersuisuni ilaasortat ataatsimeersuarnermi qinerneqartarput, ilaasortat inatsimmi malittarisassat sulisut siulersuisuni sinniseqarnissaannut tunngasut malillugit qinigaasimasut kisiisa pinnagit.

Siulersuisuni ilaasortat ataatsimeersuarnermi qinigaasut affaat ukiut tamaasa qinigassanngoqqittarput. Taamaaliornikkut siulersuisuni sulinerup ataavartumik ingerlanissaa qulakkeerneqartarpoq taamaattumillu siulersuisut ukiut ataasiakkaarlugit qinersisoqartarnissaa pisariaqarsorinngilaat.

2009-mi kukkunersiuinermut ataatsimiititaliamik pilersitsisoqarpoq akissarsianullu ataatsimiititaliamik 2010-mi pilersitsisoqarluni. Siulersuisut angissusiat aningaaseriviullu niuernikkut ingerlataasa pisariusorsuunnginerat eqqarsaatigalugit siulersuisut tunngavissiuisarnermut ataatsiititaliornissaaq pisariaqarsorisimangilaat.

Kukkunersiuinermut ataatsimiititaliami siulersuisut tamarmisut ilaasortaapput, Taamaattumillu siulersuisunik aaqqissuussisimanerup atuutsiinarneqarnissa siunertamut naleqqunnerusutut isigineqarsimavoq taamaattumillu siulersuisut siulittaasuat aamma kukkunersiuinermut ataatsimiititaliami siulittaasuuvoq.

Kukkunersiuinermut ataatsimiititaliap suliassai annerusutigut tassaapput.

Naatsorsuusiornermik ingerlatsineri nakkutiginnissaat, aningaaseriviup iluani ulorianarsinnaasunik nakkutilliissutit ulorianarsinnaasunullu upalungaarsimanermi atortut pitsaasumik ingerlanerisa nakkutiginnissaat, ukiumoortumik nalunaarusiortarnerup kukkunersiuineq pillugu inatsisinut naapertuuttumik ingerlanerata nakkutiginnissaa, kiisalu kukkunersiuisup pituttorsimangitsuunissaata nakkutiginnissaa. Tassunga atatillugu aamma naatsorsuusiornermi pingaarutillit pillugit aningaaserivimmi nakkutilliinerit taqamueriaanikkut misissorneqartarlutillu naliliiffigineqartarput. Ataatsimiititaliaq siulersuisut ataatsimiinnissaat sioqqutitsiarlugu ataatsimiittarpoq.

Akissarsianut ataatsimiititaliami siulersuisut siulittaasuat siulittaasullu tullia ilaasortaapput.

Siulersuisut angissusianniik ilaasortallu pisinnaasaannik naliliineq tunngavigalugu siulersuisut imaluunniit qullersaqarfik taakkulu suleqatiginnerat peqqissaartumik nalilersuiffigisanngilaat. Siulersuisuni attaveqatigiinneq naammaginartumik ingerlanersooq ukiumut ataasiarlugu oqaluserineqartarpoq. Siulersuisut siulittaasuat qullersaqarfillu ataavartumik oqaloqatigiittuurtarput. 2012-imi siunissamilu siulersuisunik qullersaqarfimmillu naliliisarnerup ilaatinneqartalernissaa ilimagineqarpoq.

Malugineqassaaq kukkunersiuinermut ataatsimiititaliornissamik inatsisit Kalaallit Nunaanni atuutinngimmata, malittarisassalli tamatigut malinneqartarput.

VI. Siulersuisut qullersaqarfiullu akissarsiaat

GrønlandsBANKip inassuteqaatit malippai.

Siulersuisut akissarsianut ataatsimiititaliamik pilersitsisimapput siulersuisut siulittaasuat siulittaasullu tullia ilaasortaralugit.

Siulersuisut akissaasersorneqartarput ukiumut honorar-inik aalajangersimasunik, massakkut kr. 100.000-iusunik. Siulittaasoq honorarit marloriaataanik siulittaasullu tullia honorar-it 1 ½-riaataannik akissarsisarput. Honorar-it ukiumoortumik nalunaarusiap suliarineqarneranut atatillugit ukiut tamaasa akuersissutigisassanngorlugit ataatsimeersuarnermi saqqummiunneqartarput. Akissarsianut politiki ataatsimeersuarnermi akuersissutigineqarsimavoq tassungalu allannguutissat ataatsimeersuarnermi akuersissutissatut saqqummiunneqartussaapput.

Qullersaqarfik ukiumut akissarsianik aalajangersimasunik, utoqqalinersiassanik ukiumullu ataasiarluni feriarnermi angalanermik, biileqartitaanermik telefuuneqartitaanermillu ilalimmik akissaateqartinneqarpoq.

GrønlandsBANKi siulersuisut qullersaqarfiullu qanoq ingerlatseriaaseqarnissaat pillugu programmeqanngilaq.

Qullersaqarfik isumaqatigiissuteqarnikkut atorfinitsinneqarsimavoq, tassanilu ilaatigut soraarnissaq pillugu illuatungeriit qaammatinik 12-inik sioqqutsillutik ilisimateqatigiittarnissaat aalajangersarneqarsimavoq. Qullersaqarfik kingusinnerpaamik ukiup 62-nik ukioqalerfigisami naanerani suliunnaartussaavoq. Aningaaseriviup sulissutiginninneratigut suliunnaarnermi ajunngitsorsiat qaammatini 12-iniit 24-nut akissarsianut naapertuuttut akilernerqartarput.

VII. Naatsorsuutininik saqqummiussineq

GrønlandsBANK-ip inassuteqaatit malippai.

Ukiumoortumik nalunaarusiap aningaasaqarnerlu pillugu nalunaarusiat allat tamarmik inatsisinut, ileqqoreqqusanut atuuttunut il.il. naapertuuttumik suliarineqartarnissaat siulersuisut qullersaqarfiullu akisussaffigaat.

Aqutsisut nalunaarusiaat malillugit siulersuisut qullersaqarfillu isumaqarput, aqutsisut nalunaarusiaat pissutsinik nalunaarusiami pineqartunik, ilaatigut aningaaseriviup siunissaq pillugu takorluugaanik 2011-milu naatsorsuutit ingerlatsiuarmissaq tunngavigalugu saqqummiunneqarnerannik eqqortumik takutitsisoq.

VIII. Ulorianartuninik aqutsineq illullu iluani nakkutilliineq

GrønlandsBANKip inassuteqaatit malippai.

Ulorianarsinnaasunut tamarmiusunut tunngasut, aningaaseriviup ingerlatsineranut attuumassutillit siulersuisut ataavartumik minnerpaamillu ataasiarlutik nalilersortarpaat. Siulersuisut navialiffiusinnaasut pingaarnerit eqqarsaatigalugit malittarisassanik akuersissuteqartarput, ineriartorneq malinnaaffigisarlugu navialiffiusinnaasullu ataasiakkaat, ilaatigut niuernikkut ingerlatsinermi aningaaserinermilu navialiffiusinnaasut pillugit aqutsinissamut pilersaarutit malinneqarnissaat qularnaartarlugu.

Aningaaserinikkut navialiffiusinnaasut, ingerlatsinermi assigiinngitsutigut aqunneqartut GrønlandsBANKip eqqumaffigilluinnarpai. Aningaaseriviup aningaaserinikkut navialiffigisinnaasai tassaapput::

- Akiligassatigut navialiffiusinnaasut, taarsigassarsisimasut akilersuinissamut isumaqatigiissummik unioqqutitsineratigut annaasaqaataasinnaasut.
-
- Niuernikkut navialiffiusinnaasut, aningaaseriviup pigisaasa pisussaaffiisaluunniit niuernermi pissutsit allanngornerannik peqquteqartumik annaasaqarfiusinnaanerat.

- Aningaasanik uningasuuteqarnikkut navialiffiusinnaasut, aningaasalersuinermi aningaasartuutit ilimagisamiit qaffarujussuarnerunerisigut annaasaqarnermik kinguneqarsinnaasut.
- Aningaaseriviup aningaasaliissutissanik amigaateqarneratigut niuerfinnik nutaanik pilersitsinnaajunnaarnikkut navialiffiusinnaasut imaluunniit aningaaseriviup aningaasaliissutissaqannginnermigut akilersugassanik akilersuisinnaajunnaarneratigut navialerujussuarfiusinnaasut.

Navialiffiusinnaasut assigiinngitsut ataavartumik qanoq ineriartornerat pillugu navialiiffiusinnaasunillu aqutsinissaq pillugu malittarisassiarineqarsimasut qanoq atortinneqarnerat pillugu siulersuisut nalunaarusiorfigineqartarput.

GrønlandsBANKi aningaaseriviup angisuujuunnginnera sumiiffimmillu tunngaveqartuunera pissutigalugit whistleblower ordning-imik atulersitsisimangilaq

Aningaaseriviup aningaaserinikkut navialiffiusinnaasunik aqutsinera ukiumoortumik nalunaarusiami immikkoortumi »Aningaaserinikkut navialiffiusinnaasut aammalu aningaaserinikkut navialiffiusinnaasunut politiki aqutsinikkullu anguniakkat«-mi takuneqarsinnaapput. GrønlandsBANKi nittartakkamini »Risikorapport vedr. kapitaldækning«-imut. iluarsissutissanik saqqummiussiuartarpoq. 2011-mi tamatuma saniatigut aamma navialiffiusinnaasut pillugit nalunaarusiamik siulersuisunut saqqummiunneqartussamik suliarinnittoqarsimavoq.

IX. Kukkuersiuineq

GrønlandsBANKip inassuteqaatit malippai.

Naatsorsuutunik saqqummiussisarnermut siulersuisunullu ataavartumik nalunaarusiortarnermut atatillugu illup iluani kukkuersiuusut aamma nalunaarusiarineqartut paasissutissanik eqqortunik siulersuisunut tunniussisarnerat qularnaartussaasarpaat.

Immikkoortunut pingaarutilinnut tunngatillugu naatsorsueriaaseq naatsorsuusiortarnermilu pingaarutilinnik naliliisarneq illup iluani avataanilu kukkuersiuusunit oqaluuserineqartuurtarput.

Illup iluani avataanilu kukkuersiuinermi kukkuersiuukkanik protokolliortarneq siulersuisut ataatsimiinnerini misissuataarneqartarput.

Kukkuersiuinermut ataatsimiititaliap inassuteqarnera tunngavigalugu kukkuersiuinermut isumaqatigiissummik akissarsiassanullu missingersuummik qullersaqarfimmut nassiussisoqartarlunilu siulersuisut ataatsimiinnerini saqqummiussisoqartarpoq. Kukkuersiuinissaq pillugu isumaqatigiissummumut atatillugu ukiumoortumik qulliunerusumik nalinginnaasumillu sinaakktissat kukkuersiuilluni sulinermut tunngasuunngitsut illup avataani kukkuersiuinerup pituttorsimasuunnginnissaa qularnaarniarlugu akuerissutigineqartarput. Siulersuisut aqutsisoqarfiullu illup avataani kukkuersiuusup pituttorsimanginnera ataatsimeersuarnermilu inassuteqarnissamut atugassanik saqqummiussinissamut pisinnaassusia piviusorsortumik peqqissaartumillu nalilersortarpaat.

Siulersuisut minnerpaamik ukiumut ataasiarlutik illup iluani avataanilu kukkuersiuusut qullersaqarfik najuutsinnagu ataatsimeeqatigisarpaat.'

Februar 2012